



МЕСЯЦА СЕНТЯБРЯ В 25-й ДЕНЬ

Преподобнаго отца нашего Сѣргия,
игумена Радонежскаго и всея Россіи чудотворца

НА МАЛЕЙ ВЕЧЕРНИ

На Господи, воззвах: стихиры на 4, глас 5.

Подобен: Преподобне отче:

Преподобне отче, / дѹшу твою с тѣлом очисти, /
Святаго Дѹха прекрасная обитель явился
еси, / Иже славна ты концѣм, преблаженне
Сѣргие, содея, / в чудесѣх же великаго светиль-
ника, / просветившаго во мраце сущия, / и наставника
монахов, // сошедшеся, велемѹдренно ублажаем.

Явился еси, богоблаженне, / мудрая пленица, / связуя
многая врагов ополченія; / темже и венцем увязлся еси
от Бога неувядающим, / и веселие, и радость, / и славу
вѣчную восприял еси, премудре Сѣргие. / Того моли,
Тому помолися, преподобне, / даровати мир миру //
и душам нашим велию милость.

Преподобне отче, / телесныя страсти зельным воздер-
жаніем / и чистыми молитвами, / потом же воздержан-
ія угасил еси углие страстей; / того ради чудесы
славна ты / Россійским странам, славне Сѣргие, показá,
украсив Небесными дарми, Христос. / Того моли, Тому
помолися, преподобне, / даровати мир миру // и душам
нашим велию милость.

Слава, глас 6:

Приидите, монашествующих множество, днесь, /
Сѣргия, благочестія подражателя, / пѣсньми и пѣнь-
ми восхвалим / и честную его и многоцѣлебную раку,
обстояще, / любѣзно облобызаем, глаголюще: / радуйся,

преслávне Сѣргие,/ Отѣчеству твоёму пресвѣтлый свѣ-
тільниче;/ раду́йся, я́ко чѣсте чистѣйшему Свѣту
совокупѣвся;/ раду́йся, я́ко Трѳице предсто́иши со
А́нгелы,/ Ю́же непреста́нно моли́// дарова́ти душамъ
на́шим ве́лию ми́лость.

**И ны́не, Богоро́дичен, глас то́йже: Богоро́дице, Ты
еси́ лоза́:**

На стихѳвне стихѳры, глас 6.

Подобен: А́нгельския:

Ст ма́терних пелѣн, му́дре,/ Бо́гу возложенъ, Сѣргие
преподѳбне,/ и пусты́ню я́ко град соде́лав,/ в ней мно́же-
ства мона́хов собра́л еси́/ сла́вити многопѣтую Трѳицу, //
Ю́же моли́ спастѣ́ся душамъ на́шим.

Стих: Честна́ пред Го́сподем // смерть преподѳбныхъ Егѳ.

Богому́дре Сѣргие,/ а́ще бо и по́слежди лѣты ты ново-
просвещѣнная Росси́йская страна́ возрасти́,/ но дрѣвних
чѣсти сподѳбился еси́,/ и дарова́ния чудѣс досто́йно
приѣм;/ мона́хов мно́жество песносло́вят/ и право-
ве́рною ве́рою Христа́ хва́лят,/ твоими́ покая́ющесея
учѣньми, // моли́ спастѣ́ся душамъ на́шим.

Стих: Блаже́н муж, бо́йся Го́спода, // в за́поведехъ
Егѳ восхо́щет зело́.

Я́ко в вы́сокихъ черто́зех,/ добродѣтели предугото́вал
еси́ дом себѣ,/ Сѣргие, о́тче наш,/ и я́ко войсти́ну божѣ-
ственную Свѣтлость/ зрѣти сподѳбился еси́,/ в ню́же
всели́вся, зри́ши Святу́ю Трѳицу,/ Е́йже моли́ся // даро-
ва́ти ми́ру ве́лию ми́лость.

Сла́ва, глас 8:

Препо́дбне о́тче,/ ми́ра красоту́ и сла́дость вре́мен-
ную/ отню́д возненави́дел еси́,/ мона́шеское жити́е па́че
возлюбѣв,/ и А́нгелом собесѣдникъ бы́ти сподѳбился
еси́,/ и свѣтѣльникъ многосвѣтлый Росси́йския земли́,/
чудесми́, я́коже второ́е со́лнце, сия́я./ Но всехъ нас поми-
на́й,/ соверша́ющихъ свяще́нную па́мять твою́:/ мы
бо ча́да твоя́/ и о́вцы словѣсныхъ твоѣхъ учѣний/ и ты на
по́мощь призыва́ем, // прося́ще тобою́ прия́ти мир и
ве́лию ми́лость.

И ны́не, Богоро́дичен, глас то́йже: Владѣ́чице, приими́:

Тропа́рь пи́сан на вели́цей вече́рни.

НА ВЕЛИЦЕЙ ВЕЧЕРНИ

Блажен муж: 1-й антифён.

На Господи, возвах: стихиры на 8, глас 6.

Подобен: Все отложше:

Мира мятеж, преподобне, оставив / и взем крест твой, / последовал еси Христу / невозвратным помыслом, / и в пустыню вселился еси, преподобне, / душевные страсти из корене исторгая / и телесная чувства огорчая, / и частыми бденими и молитвами / благодать восприял еси, преподобне, / целити различные недуги, / Ангелов собеседниче и преподобных сожителю; / молися Господу, Сергие преподобне, // помилуются душам нашим.

Преподобне отче, / кто исповесть труды твои и болезни? / Или кий язык изречет жестокое твоё житие, / бдение же, и сухоядение, / и еже на земли легание, / чистоту душевную и телесную, / устнами и умом совершенное безмолвие, / смирение же нелицемерное, / молитвы непрестанные и разсуждение доброразсудное, / худость ризную и память смертную? / Сергие, отче наш, // моли спастися душам нашим.

Преподобне отче Сергие, / ты врач душ и телес явился еси, / источая недужным исцеления струи, / даром же пророчества украшен, / прорицая, яко настоящая, будущая: / молитвою бо князя вооружив варвары победити, / хвалящаяся отечество его разорити, / но самех богопораженною язвою / трупия достойно падоша // псаломски при аде, преподобне.

Богомудре Сергие, / славу маловременную оставль, / и в пустынях и горах / ты живый явился еси, / и Троицы чистый дом, / блаженне, был еси, / Еяже силою пресвятыя храмы воздвиг, / и ограды монашествующим во спасение создал еси; / живяше же в тебе Христос Бог наш, / Егоже от юности возжелел еси. / Того моли, Сергие преподобне, // спастися душам нашим.

Ины стихиры преподобнаго, глас 2.

Подобен: Терпяще мучения:

Терпя нынешня мужественно, / веселяся будущими, / ко всем глаголал еси, преподобне Сергие: / егда убо туне подвизаемся, / но вечнаго живота чающе получитьи? / Люты скорби, но сладок рай, / болезненны труды, но присносущно восприятие. / Не обленимся

убо, о по́стницы! Ма́ло стерпи́м, / да венцы́ нетлѣнными
увязѣмся // от Христа́, Бо́га и Спа́са душ на́ших.

Зря, я́ко наслажде́ние, ско́рби, / шѣствуя тѣсным
путѣм, / ко ученико́м твои́м глаго́лал еси́, преблаже́нне
Сѣргие: / не устращи́мся по́двига по́стнаго, / да стра́ш-
наго геѣнскаго мучѣния избе́гнем, / согбе́нне бу́дут рѹце, /
да протира́ются же к Бо́гу, / но́зе же утвержде́ны / на
моли́тве предсто́яти, / не пощади́м естества́ тлѣннаго,
изво́лим по́двиг, / да венцы́ побѣдными увязѣмся // от
Христа́, Бо́га и Спа́са душ на́ших.

Отве́рг тлѣнныя рѣзы, / ходи́л еси́ в зимѣ без тѣпльыя
оде́жды, я́коже в лѣте, / глаго́ля, терпели́ве Сѣргие: / за
рай, егоче́ погуби́хом, / рѣзы мя́гкия ны́не отлага́ем, /
грехо́м иногда́ преступле́ния оде́яхомся, / совлеце́мся
ны́не ра́ди нетлѣнных риз, / небреже́м, бра́тие, о зимѣ
преходя́щей, плоть изнури́м, / да венцы́ побѣдными
увязѣмся // от Христа́, Бо́га и Спа́са душ на́ших.

Сла́ва, глас 6:

Е́же по о́бразу соблю́д невредимо́, / ум влады́ку над
страстьми́ па́губными по́стнически поста́вив, / во е́же
по подо́бию, я́ко мо́чно, возше́л еси́: / му́жески бо
естество́ пону́див, / потща́лся еси́ ху́ждшее покорѣти
лу́чшему / и плоть порабо́тити дѹху; / те́мже мона́шест-
вуюющих яви́лся еси́ верх, / жи́тель пусты́нный, благоте-
ку́щих обуча́тель, / пра́вило добродѣтели изве́стнейшее; /
и ны́не на Небесе́х, зерца́лом разрѣшшимся, / о́тче наш
Сѣргие, / чи́сте зри́ши Святу́ю Тро́ицу, / моля́ся несре́д-
ственне // о́ и́же ве́рою и любо́вию чту́щих тя.

И ны́не, Богоро́дичен, глас то́йже: Кто Тебе́ не ублажи́т:

Вход. Прокі́мен дне. И чтѣния.

Прѣтчей чтѣние (главы́ 3 и 8):

Па́мь пра́веднаго с похвала́ми, и благослове́ние
Госпо́дне на главе́ егоче́. / Блаже́н человек, и́же обре́те
Премѹдрость, и сме́ртен, и́же уве́де ра́зум. / Лу́чше бо
Сию́ купова́ти, неже́ли злата́ и сребра́ сокрови́ща. / Чест-
не́йшая же е́сть ка́мений многоце́нных, все же честно́е
недостойно́ Ея́ е́сть. / Долготá бо дней и лѣта́ живота́
в десни́це Ея́, в шу́йце же Ея́ богáтство и сла́ва. / От уст
Ея́ исхо́дит пра́вда, зако́н же и ми́лость на язы́це но́сит. /

Послушайте ўбо Мене, о чада, честная бо реку: и блажен человек, иже пути Мой сохранит; / исходи бо Мой, исходи живота, и уготовляется хотение от Господа. / Сего ради молю вас и предлагаю Мой глас сыновом человеческим: / яко Аз премудрость устроих, совет и разум, и смысл Аз призвах. / Мой совет и утверждение, Мой разум, Моя же крепость. / Аз мене любящая люблю, ищущии же Мене обрящут благодать. / Разумейте ўбо, незлобиви, коварство, ненаказании же, прилагайте сердца. / Послушайте Мене и паки, честная бо реку: и отверзу от устен правая, / яко истине поучится гортань Мой, мерзски же предо Мною устны лживыя. / С правдою вси глаголы уст Моих: ничтоже в них стропотно, ниже развращенно. / Вся права суть разумевающим и проста обретающим разум. / Научаю бо вас истине, да будет о Господе надежда ваша и исполнитесь Духа.

Притчей чтение (главы 10 и 11):

Уста праведнаго каплют премудрость, язык же неправеднаго погибнет. / Устне мужей праведных каплют благодати, уста же нечестивых развращаются. / Мерила льстивая мерзость пред Господем, вес же праведный приятен Ему. / Идеже аще внидет досаждение, тамо и безчестие: уста же смиренных поучаются премудрости. / Совершение правых наставит их, и поползновение отрицающихся упасет их. / Не пользует имения в день ярости, правда же избавит от смерти. / Умер праведный, остави раскаяние, наручна же бывает и посмеятельна нечестивых пагуба. / Правда непорочнаго исправляет пути, в нечестие же падает неправда. / Правда мужей правых избавит их: безсоветием же пленяются беззаконнии. / Скончавшуся мужу праведну, не погибнет надежда, похвала же нечестивых погибнет. / Праведник от лова убегнет, вместо же его предается нечестивый. / Во устех нечестивых сеть гражданом, чувство же праведных благоспешное. / Во благих праведных исправится град, и в погибели нечестивых радование. / Во благословении правых возвысится град, усты же нечестивых раскопается. / Ругается гражданом лишенный разума, муж же мудрый безмолвие водит.

Премудрости Соломоновы чтение (глава 3):

Праведных души в руке Божией, и не прикоснется их мука./ Непщевани быша во очесех безумных умерети, и вменися озлобление исход их./ И еже от нас шествие сокрушение, они же суть в мире./ Ибо пред лицом человеческим аще и муку примут, упование их безсмертия исполнено./ И в мале наказани бывше, великими благодетельствовани будут,/ яко Бог искуси я и обрете их достойны Себе./ Яко злато в горниле искуси их и яко всеплодие жертвенное прият я./ И во время посещения их возсияют и, яко искры по стоблюю, потекут./ Судят языком и обладают людми, и воцарится Господь в них во веки./ Надееущиися Нань разумеют истину, и вернии в любви пребудут Ему./ Яко благодать и милость в преподобных Его, и посещение во избранных Его.

На литии стихира храма.

И святого стихиры, глас 6:

Приидите, празднлюбцы/ и постников сословие,/ верою сошедшеся,/ истиннаго постника почтим днесь, Сергия,/ с веселием шествовавшего по стопам Владыки своего/ узкий путь и безстрастную жизнь,/ и верою возопийм:/ о всеблаженне, преподобных сожителю/ и постников похвало!/ О нас молися ко Господу, // помилуванися душам нашим.

Преподобне и богоносе Сергие,/ любве ради Христовы вся оставил еси/ и, в пустыню вшед,/ никакоже убоялся еси невидимых врагов коварствия,/ аще бо и многажды приидоша на тя,/ скрежетанием зубным ярость показующе,/ ты же молитвами твоими,/ яко дым, без вести сих сотворил еси./ О непорочныя твоея души/ и крепкаго терпения твоего!/ Христа непрестанно моли // спастися душам нашим.

Российская убо всеосвященная и великая Церковь/ с православными соборы, монахи же и простыми,/ евангельских источников струями напоившеся,/ духовно веселимся/ в нарочитом празднице добраго пастыря и учителя,/ и целебныя его мочи, обстояще, любезно обლობызаем,/ и сих, яко цветы, песнями и хвалами увязем, рекуще:/ радуйся, Сергие блаженне,/ Небесный человеце, земный Ангеле/ и Духа Святого обитель;/

ра́дуйся, я́ко мно́гих ко спасе́нному пу́ти наста́вил еси́;/ ра́дуйся, правосла́вному во́инству на́шему похва́ла и утвержде́ние,/ преподо́бне Серге́е богоприя́тне,/ Оте́честву твоему́ пресвѣтлый светі́льниче // и моли́твенниче о душа́х на́ших.

Сла́ва, глас 6: Прииді́те, мона́шествующих: (пи́сан на ма́лей вече́рни).

И ны́не, Богоро́дичен, глас то́йже: Творе́ц и Изба́витель:

На стихо́вне стихи́ры, глас 1.

Подобен: Небе́сных чино́в:

Наста́, богоно́се, со́лнца светле́йши твой пра́здник,/ озаря́я приходя́щая к тебе́ ве́рою,/ и безсме́ртие благоуха́ет,/ душа́м же источа́ет нетле́ние от свята́го твоего́ телесе́,/ Серге́е преподо́бне, // моли́твенниче о душа́х на́ших.

Стих: Честна́ пред Го́сподем // сме́рть преподо́бных Его́.

Чу́вственныя стра́сти телесныя победи́л еси́/ воздержа́ния бродя́ми, чудодо́йственне Серге́е,/ и ре́вность к безплотным на землі́ показа́л еси́,/ все же плотско́е жела́ние дү́ху повину́л еси́./ Тем и ны́не, в Небе́сных дво́рех водворя́ясь, // моли́ о душа́х на́ших.

Стих: Блаже́н муж, боя́йся Го́спода, // в за́поведех Его́ восхо́щет зело́.

Блаже́нне Серге́е, основа́ние положи́в добродете́ли,/ дре́вняго челове́ка совлéкся с похотью́/ и во Христа́ облéкся еси́, Исти́ну./ Тем обличи́л еси́, преподо́бне, мно́гая враго́в ополче́ния,/ наста́вник мона́хов быв, // моли́ спасти́ся душа́м на́шим.

Сла́ва, глас 8:

Мона́хов мно́жества/ наста́вника тя почита́ем, о́тче наш Серге́е,/ твоею́ бо стезе́ю войсти́ну пра́во ходи́ти позна́хом./ Блаже́н еси́, Христа́ раба́тав,/ и вра́жию обличи́л еси́ си́лу,/ А́нгелов собесéдниче и преподо́бных соприча́стниче и пра́ведных,/ с ни́миже моли́ся Го́сподеви, // поми́ловатися душа́м на́шим.

И ны́не, Богоро́дичен, глас то́йже: Безневе́стная Де́во:

Тропа́рь, глас 4:

И же добродете́лей подви́жник,/ я́ко и́стинный во́ин Христа́ Бо́га,/ на стра́сти вельми́ подви́зале́ся еси́ в жи́зни вре́менной,/ в пе́ниих, бде́ниих же и поще́ниих

образ быв твоим учеником,/ темже и вселися в тя Пресвятый Дух,/ Егोजе действием светло украшен еси;/ но, яко имея дерзновение ко Святей Троице,/ поминай стадо, еже собрал еси, мудре,/ и не забуди, якоже обещался еси,/ посещая чад твоих, // Сергие, преподобне отче наш.

Ин тропарь, глас 8:

От юности восприял еси Христа в души твоей, преподобне,/ и паче всего вожделел еси мирскаго мятежа уклонитися,/ мужески в пустыню вселился еси/ и чада послушания в ней, плоды смирения, возрастил еси./ Тем быв Троице вселение,/ чудесы твоими всех просветил еси, приходящих к тебе верою,/ и исцеления всем подавая обильно. // Отче наш Сергие, моли Христа Бога, да спасет души наша.

Ин тропарь, глас 8:

Вчистоте жития источник слез твоих,/ исповедания трудовныя поты совокупил еси/ и купель духовную источил еси, священный Сергие преподобне,/ омывшаи творящим любовью память твою/ скверны душевныя и телесныя./ Сих ради, чада твоя суще, вопием ти: // моли, отче, Святую Троицу о душах наших.

Слава, и ныне, Богородичен.

НА УТРЕНИ

Тропарь святаго дважды. Слава, и ныне, Богородичен.

По 1-м стихословии седален, глас 8.

Подобен: Премудрости:

Весь освящен и богоносен показался еси,/ мира и богатства светлости/ и вся елика видимых доброт маловременных преобидев,/ смирением же и нищетою Владыце Христу последовал еси,/ собрав монахов множества, и сих Православия учеными просветил еси./ Тем и по кончине нестареемую благодать приял еси/ и, во гробе лежа, нетленен пребываеши, Сергие богоблаженне,/ моли Христа Бога согрешений оставление даровати/ чтущим любовью святую память твою.

Сла́ва, и ны́не, Богоро́дичен:

Яко Всенепоро́чная Невесто́ Творца́,/ я́ко Неискусому́жная Ма́ти Изба́вителя,/ При́ятелище я́ко су́щи Уте́шителя, Всепе́тая,/ беззако́ния мя су́ща скве́рно жили́ще/ и де́монов игра́лище в ра́зуме б́ывша,/ пощ́йся и сих злоде́йствия мя изба́вити,/ све́тло жили́ще добродете́льми соде́лавши./ Светода́тельная и нетле́нная,/ разже́нй о́блак страсте́й и Вы́шняго прича́стия сподо́би/ и Све́та неече́рняго моли́твами Твои́ми.

По 2-м стихосло́вию седа́лен, глас 3.

Подобен: Красоте́ де́вства:

Еже к Бо́гу мудрова́ние горе́ име́я, о́тче,/ и я́же на земли́ оста́вил еси́,/ и, мно́гими боле́зными све́тло твоё жити́е изъясни́в,/ вся́кия же божество́нныя добродете́ли оби́тель показав́ся,/ в моли́твах и мольба́х и поще́ниях Го́споду прибли́жился еси́./ Моли́ Христа́ Бо́га спаст́ся ду́шам на́шим.

Сла́ва, и ны́не, Богоро́дичен:

Яко невозде́ланна, Де́во, лоза́,/ прекра́сный Грозд, Христа́, возрасти́ла еси́,/ источа́ющая нам вино́ спаси́тельное, всех весе́лящее ду́ши и телеса́./ Те́мже, я́ко вино́вну Тя до́брых ублажа́юще,/ при́сно со А́нгелом вопие́м Ти:/ ра́дуйся, Обра́дованная.

По полиеле́и седа́лен, глас 8.

Подобен: Пре́мудрости:

Егда́, блаже́нне, божество́нному жела́нию ум твой впе́рив,/ тогда́ оста́вил еси́ вся до́лу влеку́щая мудрова́ния,/ и, в пусты́ню всели́вся, я́ко крин процвёл еси́ добродете́ли прекра́сный,/ и, страсте́й искорени́в те́рние, в нем насади́л еси́ плоды́ трудо́в твоих./ Те́мже и пожа́л еси́ рукоя́ти, неотъеме́мо бога́тство на Небесе́х./ Серге́е преподо́бне, моли́ Христа́ Бо́га/ согреше́ний оставле́ние дарова́ти чту́щим любо́вию святу́ю па́мять твою́.

Сла́ва, и ны́не, Богоро́дичен:

О Тебе́ ра́дуется, Благода́тная, вся́кая тварь,/ а́нгельский собо́р и челове́ческий род,/ освяще́нный хра́ме и раю́ словесный,/ де́вственная похва́ло, из Нея́же Бог воплот́ся/ и Младене́ц бысть, пре́жде век сый Бог

наш,/ ложесна́ бо Твоя́ престол сотвори́/ и чрево Твое́
простра́ннее Небес содела./ О Тебе́ радуется, Благода́т-
ная, всякая тварь,/ сла́ва Тебе́.

Степéнна, 1-й антифóн 4-го гласа. Прокíмен, глас 4:
Честна́ пред Гóсподем// смерть преподóбных Егó.
Стих: Что возда́м Гóсподеви о всех, я́же воздаде́ ми?
Всякое дыха́ние: Ева́нгелие от Матфе́я, зача́ло 43.

По 50-м псалме́ стихира, глас 6:

Я́же на земли́ А́нгела/ и на Небеси́ челове́ка Бóжия,/ мíра благо́е украше́ние,/ пи́щу благо́х добродéтель-
ных,/ по́стников похвалу́,/ Сэ́ргия вели́каго почтíм:/ насаждён бо в дому́ Господни́/ и процветé пра́вед-
но,/ я́ко кедр в пусты́ни,/ умно́жив ста́до Христо́во
словесных овéц,// в преподóбстве и пра́вде.

Канóн Богороди́цы со ирмосóм на 6 и свята́го на 8.

Канóн Пресвяты́я Богороди́цы, глас 6.

Песнь 1

Ирмос: Я́ко по сýху пешешествовав Изра́иль/ по
бэ́дне стопа́ми,/ гоните́ля фараóна/ ви́дя потопля́ема,//
Бо́гу побéдную песнь по́йм, вопия́ше.

Прича́щшися Е́ва са́да, преслуша́ннаго бра́шна,
кля́тву введе́;/ но сию́ разреши́ла еси́, Чи́стая,/ благо-
словéния Нача́ток, Христа́ рóждши.

Я́же бисера от Божéственныхя мóлнии, Христа́ рóжд-
ши,/ страстéй мо́их мглу и прегрешéний смущéние,/ Чи́стая,
разжени́ свéтом Твое́й свéтлости.

Язы́ков Ждáние Иа́ков из Тебе́ воплоща́емаго/ пред-
зря́ше та́йно умными очесы́:/ Бо́га, изба́вльшаго нас
ходата́йством Тво́им.

Оскуде́вшим нача́льником от плéмени Иúдова,
Пречи́стая,/ Сын Твой и Бог, прошéд Вождь,/ над
концы́ земны́ми ны́не войсти́ну воцарíся.

**Канóн преподóбнаго Сэ́ргия, егóже краегранéсие
сицевó: Сэ́ргия похвалíти, Бóже мой, да́руй ми. Глас 8.**

Песнь 1

Ирмос: Колесни́цего́нителя́ фараóня погрузи́/ чудо-
творя́й иногдá/ Моисéйский жезл, крестообра́зно

порази́в/ и раздели́в мо́ре,/ Изра́иля же беглеца́, пеше-
ходца спасе́, // *песнь Бóгови воспева́ющая.*

Христа́, нас ра́ди во́лею смири́вшагося да́же до ра́бья
обра́за, подража́в,/ возлюбил еси́ смире́ние/ и, зельным
бде́нием и моли́твами душегубны́я стра́сти умертви́в,/
на го́ру безстра́стия возше́л еси́, **Сэргие** пребога́те.

Я́ко свети́льник све́та,/ твою́ ду́шу слезными́ пото́ки
украша́я,/ и друго́го Иса́ака подобно́ сам себе́ вознесл
еси́, преподо́бне,/ и се́рдце твоё Бо́гу пожёрл еси́.

И́же во чре́ве ма́терни трикра́ты проглаше́нием/
Тро́ицы служи́тель показа́лся еси́/ и, Трисо́лнечным
све́том озаря́емь,/ де́монская ополче́ния, я́ко паучи́ну,
разори́л еси́, преблаже́нне **Сэргие**.

Богоро́дичен: Зако́нов кроме́ есте́ственных родила́
еси́ Законода́вца Бо́га и Чело́века́ бывша́,/ То́го, я́ко
Бла́га, моли́, Всенепоро́чная,/ на́ша беззакония́ пре-
зрети́, вопию́щих всегда́:/ по́йм Го́споду, сла́вно бо
просла́вился.

Ин канон свята́го. Глас 1.

Песнь 1

Ирмо́с: Тво́я победи́тельная десни́ца/ боголе́пно в кре́-
пости просла́вился,/ та бо, Безсме́ртне,/ я́ко всемогу́-
щая, проти́вныя сотре́, // Изра́ильтяном путь́ глуби́ны́
новосоде́лавшая.

Любо́вию Христо́вою утверди́лся еси́, преподо́бне,/ и
яви́лся еси́, я́ко река́, обильно́ всю зе́млю напая́я
сло́вом уче́ния,/ богоблаже́нне **Сэргие**,/ те́мже па́мять
твою́ любо́вию ублажа́ем.

Твоёю руко́ю бысть благослове́ние божество́нным
манове́нием:/ невла́жная бо земля́ твоёю моли́твою
во́ду источи́,/ ю́же ны́не почерпа́юще, исцеле́ние
приёмлем незави́стно,/ преподо́бне **Сэргие**.

Весь от ю́ности Бо́гу освяти́лся еси́,/ к Нему́ добро-
де́тельницами приближа́ясь,/ тле́нная бо, я́же на земли́,
оста́вив,/ Небе́сное обрёл еси́ бога́тство.

Богоро́дичен: Ра́дуйся, благода́ти исто́чнице;/ ра́дуйся,
лестви́це и двере́ Небе́сная;/ ра́дуйся, свещни́че, и
ста́мно злата́я, и горó несекóмая,/ Я́же Жизнода́вца
Христа́ ми́ру родила́ еси́.

Катава́сия: *Отве́рзу уста́ моя́:*

Песнь 3

Ирмос: *Несть свят, / якоже Ты, Гóсподи Бóже мой, / вознесый рог верных Твоих, Блаже, / и утвердивый нас на камени // исповедания Твоего.*

Тлennую мою плоть и смóртную, Всечíстая Богомáти, / из чрéва Твоего несказáнно приéм Благий / и обезтленив сию, вéчне Себé связáл есть.

Бóга воплощáема из Тебé зряще, Дéво, / ужасáхуся стрáхом лицы áнгельстии / и яко Мáтерь Бóжию немóлчными пéснями Тя почитáют.

Ужасéся, гóру умную ви́дев Тя, прорóк Даниил, / из Неяже Кáмень отсечéся кромé рук / и дéмонская кáпища, Богомáти, крéпко сокруши́.

Не мóжет слóво Тя человéческое, / ниже́ язýк, Дéво, похвалíti достóйно: / из Тебé бо без сéмене Жизнодáвец Христóс воплотítiся, Пречíстая, благоволи́.

Ин

Ирмос: *Утверждéй в началé Небесá рáзумом / и зéмлю на водах основáвий, / на камени мя, Христé, заповедей Твоих утверди́, / яко несть свят пáче Тебé, // Еди́не Человеколóбче.*

Благих óбраз тебé дав твоим ученикóм, / и привлéкл еси́ мно́ги дýши во спасéние, отлучившихся мирскáго пристра́стия, / иже утешéния улóчиша рáйского наслаждéния.

Яко доброплóдная мáслина в домú Бóжиин, блажéнне, процвёл еси́, / и елéем умащáя дýши любóвию тя пою́щих, преблажéнне Сéргие, / и véрою Христú вопию́щих: / несть свят пáче Тебé, Человеколóбче.

Стра́сти душетлennыя успи́л еси́ бóдренными бдéнии, блажéнне, / и сих рáди в чертóг Небесный всели́лся еси́, / приéм, богомúдре Сéргие, благодáть исцелéний.

Богорóдичен: *Херувимов и Серафимов превы́шши явилася еси́, Богорóдице: / Ты бо еди́на прия́ла еси́ невместимаго Бóга во чрéве Твоём, Несквёрная. / Тёмже Тя, вси вернии, пéснями, Чíстая, ублажáем.*

Ин

Ирмос: *Еди́не ведый человéческого существá нéмощь / и мило́стивно в не вообрáжся, / препоя́ши мя с вы́соты сýлюю, / е́же вопíti Тебé, Святы́й: // одушевлéнный хра́ме неизречéнных слáвы Твоея́, Человеколóбче.*

Тлѣнную славу презрѣв, блаженне, / нетлѣнные и Божественныя славы наследник быти сподобился еси, / всю бо поправ жития красоту, / со Ангелы в Вышних Божественныя славы наслаждаеши.

Ралом молитвенным, преподобне, землю сердца твоего обновив / и сию насеяв семенем трудов твоих, / и явился еси прекрасная Слова пшеница, / и достигл еси незаходямаго Света селение.

Духа Святаго сияньми почтен, и светносным житием украсился еси, / требующим подавая неоскудно / и приемля с любовью монашествующих чины, отче преподобне.

Богородичен: Из Тебе прозябе, Чистая, Цвет неувядаемый, / облаговонствуя все человечество Божественным миром естества Своего, / Иже и Отцу Собезначальный, из Тебе бысть под лѣтом, Дѣво Всенепорочная.

Ин кондак, глас 8:

Яко безплотным равножителю, / всех преподобных превозшел еси / постническими труды и бденими молитвенными, мудре Сергие, / тем восприял еси от Бога исцелити недуги и прогнати бесы, / и того ради вопием ти: // радуися, отче преподобне Сергие.

Седален, глас 4.

Подобен: Вознесыйся на Крест:

Яко войстину тлѣнных оставив нестойнное, / Христу от души последовал еси / и болезнями, и труды, и зельным воздержанием, / яко безплотен пожив, преблаженне Сергие, / моли Христа Бога спастися душам нашим.

Слава, и ныне, Богородичен:

Херувимов и Серафимов превышши еси, Богородице, / Небесе же и земли пространнейши, / видимыя твари и невидимыя явилася еси преимущи / несосудным сосуждением: / Егже бо пространства Небеса не вмещают, / в Твоей утробе вместила еси, Чистая, / Егже моли спастися рабом Твоим.

Песнь 4

Ирмос: Христос моя сила, / Бог и Господь, / честная Церковь / боголепно поет, взываючи, // от смысла чиста о Господе празднующи.

Поём, Пречыстая, Тя, Всенепорочную, иже Тобою спásшиися, / и, благочестно поюще, взываем: / благословенна, Яже Бóга, Приснодево, рóждшая.

Свет незаходимый, Дево, родила еси, / сущим во тьме жития Плотию светящ, Всеблаженная, / и поющим Тя радость, Приснодево, источила еси.

Благодать процвете, Закон преста Тобою, Всесвятая: / Ты бо, Чыстая, родила еси Гóспода, / подающего нам, Приснодево, оставление.

Мертва мя показá сада вкушение, / Жизни же Древо, из Тебé явльшееся, Пречыстая, воскреси / и райския сладости наследника мя устрои.

Ин

Ирмос: Ты моя крепость, Гóсподи, / Ты моя и сила, / Ты мой Бог, Ты мое радование, / не оставль недра Отча / и нашу нищету посетив. / Тем с пророком Аввакумом зову Ти: // силе Твоей слава, Человеколюбче.

Духа Пресвятаго храм, отче, был еси и жизненных вод река исполняема, / основание непоколебимо Цérкве, монашествующих утверждение, / Сэргие досточудне.

Пророчески слезными каплями на всяк день постелю омочая, Сэргие славне, / дондеже до конца страстей пучину изсушил еси; / темже память твою почитаем, присночестную и свяценную.

Лице Христово лицем, преподобне Сэргие, зрети сподобился еси, / зеркалом войстину разрешшимся. / Сие бо и от мира отлучи ты к возлюбленному желанию.

Богородичен: Очищение наших даруй неведений, яко безгрешен, / и умири мир Твой, Бóже, молитвами Рóждшия Тя.

Ин

Ирмос: Гóру Тя, благодатию Бóжиею приосененную, / прозорливьма Аввакум усмотрив очима, / из Тебé изыти Израилеву провозглашаше Святому // во спасение наше и обновление.

Просвещаемь светолучными зарями, преблаженне, / наслаждение Небесное приыл еси, радуясь, / яко войстину чистейший хлеб Творцу был еси, мудре Сэргие, Емуже взывая: / силе Твоей слава, Человеколюбче.

Страсти душетленные прешед и во глубину безмолвия вшед, / прежде отрешения телеснаго союза умершее

отроча возста́вил еси́/ и па́че наде́жди роди́телю его́ ра́дость сотвори́л еси́./ Тем, удивився, Творцу́ вопия́л еси́:/ си́ле Твое́й сла́ва, Человеколю́бче.

Душе́вный ра́зум вперив, сла́вне, и чу́вствия окормив, му́дре,/ святы́ню благоче́стия су́щим на землѣ возвестил еси́ к Небе́сному ше́ствию.

Богорóдичен: Ра́дость Тебе́, Чи́стая, яви́, с Небесе́ прише́д, Архистрати́г, благовести́, рек:/ Бог изы́дет Плото́ю из Тебе́, Де́во Пречи́стая, во спасе́ние любóвию пою́щих Тя:/ сла́ва си́ле Твое́й, челове́ком Помо́щнице.

Песнь 5

Ирмо́с: Бо́жиим све́том Твои́м, Бла́же,/ у́тренюющих Ти ду́ши любóвию озари́, молю́ся,/ Тя ве́дети, Сло́ве Бо́жий,/ Истинна́го Бо́га, // от мра́ка грехо́внаго вызы́вающа.

Чистото́ю возсия́вши све́тло,/ Боже́ственное пребы́вание Влады́ки, Всепе́тая, была́ еси́:/ Ты бо еди́на Ма́ти Бо́жия яви́лася еси́,/ во объ́ятиих, я́ко Младенца́, Сего́ носивши.

Нося́щи добро́ту умную́ красне́йшия Твоея́ души́,/ Неве́ста Бо́жия была́ еси́,/ запеча́тствована де́вством, Чи́стая,/ и све́том чистоты́ мир просвеща́ющи.

Да рыда́ет собра́ние злочести́вых,/ не пропове́дающих Тя я́ве Чи́стую Богома́терь,/ Ты бо врата́ Боже́ственного Све́та яви́лася еси́ нам,/ мра́к прегреше́ний разгоня́ющи.

Ин

Ирмо́с: Вску́ю мя отри́нул еси́/ от лица́ Твоего́, Све́те незаходи́мый,/ и покры́ла мя е́сть чужда́я тьма, окая́ннаго?/ Но обрати́ мя и к све́ту за́поведей Твои́х // пути́ моя́ напра́ви, молю́ся.

В поще́ниях непрекло́нен пребы́л еси́, му́дре,/ и до отше́ствия своего́ храня́ си́е опа́сно,/ и́мже сподо́бился еси́ я́ве нетле́ннаго блаже́нства.

Остр ум име́я к Бо́гу внима́ти, стра́сти душе́тле́нныя успи́л еси́, óтче,/ и снопы́ благопло́дия пожа́л еси́,/ пита́я благоче́стно восхваля́ющия́ тя, преподо́бне óтче Серге́е.

Све́тло жити́е твоё, преподо́бне Серге́е, и изве́стно всем конце́м яви́ся,/ и боже́ственныя добро́ты исполне́но,/ моли́твами же, и поще́ньми, и любóвию, я́же ко Христу́ Человеколю́бцу.

Богородичен: Тя стѣну имѹще и заступлѣнием Твоимъ соблюдаѣми,/ Твоею божѣственнойю славою хвалящеса, Тя ублажаѣм./ Ты бо, Пречыстая, душамъ нашимъ источаѣши весѣлие и радование.

Ин

Ирмос: Бог сый міра, Отецъ щедрѣт,/ Великаго Совѣта Твоего Ангела,/ мир подавающа, послалъ еси нам;/ тем богоразумія къ свѣту наставьшеса,/ от ноци утренююще, // славословимъ Тя, Человеколюбче.

Обветшавшаго человека яве, отче, совлѣклся еси/ и, яко скверну ризу, отвѣргъ с греховными страстьми,/ в новаго облѣклся еси, еже по подобію о Христѣ, всечестне.

Страстныя ўзы расторгъ высокимъ твоимъ равноангельнымъ житіемъ/ и свѣше приимъ чудодѣйствія дарованіе,/ согрешѣній нашихъ очищѣние, Сѣргіе, испроси.

Богородичен: Клятву Евы, всех праматере, Твоимъ рождествомъ, Дѣво, упразднила еси,/ міру благословѣние возсиявши Христá./ Тѣмже Тя, радующеса, язЫкомъ и сѣрдцемъ Богородицу истинно исповѣдающе, величаѣм.

Песнь 6

Ирмос: Житѣйское море/ воздвизаемое зря напастей бурею,/ къ тихому пристанищу Твоему притѣк, вопию Ти:/ возведи от тли живѣт мой, // Многомилостиве.

Великій преднаписа во пророцехъ Моисей Тя ковчегъ,/ и трапѣзу, и свѣщникъ, и стамну, образно назнаменуя/ воплощѣние, еже из Тебѣ, Высочайшаго, Мати Дѣво.

Умерщвляѣтся смерть, упраждняѣтся и тлѣние Адамова осужденія,/ Плодѹ Твоемѹ, о Владычице, приражившеса:/ Жизнь бо родила еси, от тли избавляющую поющія Тя.

Законъ изнеможѣ, и прѣидѣ сень,/ паче бо ума и помысла явившейся мнѣ благодати, яже из Тебѣ, Дѣво,/ Рождествомъ Бога и Спаса, Многопѣтая.

Ин

Ирмос: Очисти мя, Спасе,/ многа бо беззаконія моя,/ и из глубины золъ возведи, молюся,/ къ Тебѣ бо возопихъ, и услыши мя, // Божѣ спасенія моего.

Па́мьятъ твою́ творящимъ свящѣнную, ѡтче,/ не преста́й, моля́ Избавителя дарова́ти согрѣше́ний оставле́ние/ и Небе́сное Ца́рство восприя́ти, иде́же гласъ пра́зднующихъ весели́т вся.

О Христе́ укрепляе́мь,/ вся кова́рствія лука́ваго твёрды́м умо́м, Серге́е,/ я́коже сеть, расто́ргнул еси́/ и пресвѣтло свети́ло ми́ру, ѡтче, показа́лся еси́.

Свѣтомъ Божѣственнымъ осияе́мь/ и со А́нгелы ны́не на Небесе́х водворя́ясь,/ помина́й ве́рою чту́щихъ па́мьятъ твою́,/ преподо́бне Серге́е приснопа́мятне.

Богоро́дичен: **Возвы́сила еси́ вои́стину па́дшее челове́ческое существо́,/ и́же ѡбразомъ Божѣственнымъ и Отца́ ра́венствомъ,/ ви́димымъ Сы́ном неизме́ннымъ, Богома́ти,/ без се́мене во чре́ве поноси́вши.**

Ин

Ирмо́с: *Из утробы́ Ио́ну младе́нца изблева́ морской зверь,/ я́кова́ прия́т;/ в Де́ву же всельше́еся Сло́во/ и Плотьъ прие́мшее про́йде, сохра́ншее нетле́нну:/ Егѡ́же бо не постра́да истле́ния, // Ро́ждшую сохра́ни невре́ждѣнну.*

Насъ свѣ́ше, ста́до твоё, озаря́еши ми́лостивно, ѡтче,/ вои́нству благочесті́вому побѣду́ пода́я моли́твами твои́ми, возвы́шая рогъ правосла́вных,/ от насъ же приими́, а́ще и ма́лое, приноси́мое тебѣ́ моле́ние.

На недѹ́зехъ разли́чныхъ исцелѣ́ния благода́ть тебѣ́ дарова́ся/ и на дѹ́сахъ нечи́стыхъ от Христа́ вла́сть, му́дре,/ я́ко божѣственный до́блественникъ, вене́цъ прия́л еси́ побѣ́ды от всехъ Ца́рствующаго.

Богоро́дичен: **Весь ликъ проро́ческий, от Бо́га научѣ́н, Твоё́ провозгласи́ таи́нство/ несказа́ннаго Божѣственнаго зача́тия е́же из Тебѣ́ Сло́ва, Ма́ти Де́во:/ Ты́ бо Исти́нный нача́льный Светъ роди́ла еси́.**

Конда́к, гласъ 8.

Подобѣн: **Взбра́нной Воево́де:**

Христово́ю любѡ́вию уязви́вся, преподо́бне,/ и Тому́ невозвра́тнымъ желáниемъ послѣ́довав,/ вся́кое наслажде́ние плотско́е возненави́дел еси́/ и, я́ко со́лнце, Оте́честву тво́ему возсия́л еси́;/ темъ и Христо́с даромъ чуде́с обогати́ тя./ Помина́й насъ, чту́щихъ пресвѣтлую па́мьятъ твою́, да зове́мъ ти:// ра́дуйся, Серге́е богому́дре.

Икос:

Евѣнгельскій глас, ѡтче, услышав,/ вся оставил еси
плотскѣя мудрованія,/ богатство же и славу, яко прах,
вменив,/ и на страсти, яко безплѣтен, подви-
зався,/ и безплѣтных ликостоянїем чести сподобился
еси./ Рѣзума дарованіе приял еси,/ еже и подаждь
в пѣснях поющим ти сице:/ радуйся, Сѣргіе препо-
добне и богоносе, Небесный человекѣ, земный Ангеле;/
радуйся, Духа Святаго обитель;/ радуйся, молитвами
богоданен дар приѣмный;/ радуйся, яко прѣжде рожде-
нїя проглашенїем прославив Святую Троицу, Яже ты
прослави в жизни сей и по смерти;/ радуйся, целомуд-
рия столпе, ѣмже всяка страсть попрася;/ радуйся, яко
от младых ногтѣй последствовал еси Христу;/ радуйся,
притекающим к тебе спасенїя ходатай;/ радуйся, све-
тильниче многосветлый, возведый ко Христу мона-
хов множества;/ радуйся, похвало Отчеству твоему;/
радуйся, пророчеством украшенный, во еже прорицати,
яко настоящая, будущая;/ радуйся, яко молитвами
твоими сопротивнии побеждаются;/ радуйся, право-
славному воинству нашему похвала и утверждѣние,/
егоже соблюди молитвами твоими от враг ненаветно,
да зовем ти:/ радуйся, Сѣргіе богомудре.

Песнь 7

Ирмос: *Росодательну ўбо пещь/ содела Ангел/ пре-
подобным отроком,/ халдеи же опаляющее/ велѣние
Божіе мучителя увещѣ вопїти:// благословен еси, Бже
отец наших.*

Юнош триех пещь не опали, рождество прообразу-
ющих Твое,/ Божественный бо огонь, Тебе не опалив,
вселїся в Тя/ и вся научи вопїти: благословен еси,
Бже отец наших.

Блажат Тебе концы, Всенепорочная Мати, яко про-
рекла еси,/ просвещаемы светолучными сиянїи Твоими/
и благодатию, поющии, вопїют: благословен еси, Бже
отец наших.

Пагубныя ўбо зѣбы в мя вонзе змїи лукавнейшей,/
но тыя Твой, Богомати, Сын сокруши,/ крепость же мне
даде вопїти: благословен еси, Бже отец наших.

Очистїлище естества Ты еси, Едина Богоблажен-
ная:/ на рамах бо херувїмских седящаго Бога во

объятиих носивши, вопиеша: / благословен еси, Боже отец наших.

Ин

Ирмос: Божия снисхождения / огонь устыдися в Вавилоне иногда, / сего ради отроцы в пещи, радованною ногою, / яко во цветнице, ликующе, пояху: // благословен еси, Боже отец наших.

В пещи искушений разжжения / Божественная благодать ороси ты, преподобне, / и многосвѣтла Троическим желанием показа, зовуща: / благословен Бог отец наших.

Мир преобидев, славне Сергие, / на земли, яко бесплотен, пожил еси / и ангельским ликостоянием сподобился еси. / Тем ты верою почитаем, досточудне.

В пристанище тихое вшед, богомудре, / житейских плаваний отбегл еси / и волнующимся житейскими спасительное окормление был еси, воспевающим: / благословен Бог отец наших.

Богородичен: Жезл прорасте, Дево, из корене Иессеева, / всеблаженный Плод, Цвет носящи спасительный / верою Сыну Твоему вопиющим: / отцев наших Боже, благословен еси.

Ин

Ирмос: Тебе умную, Богородице, пещь / рассмотрим, вернии, / якоже бо отроки спасе три Превозносимый, / мир обновил во чреве Твоем всецел, // хвальный отец Бог и препрославлен.

Другое Небо на земли / божественным мановением, преблаженне, показался еси, / воспитал еси словесное стадо, / яко Ангел живый с плотию, богомудре.

Имуща ты к Богу, чада твоя, крепка молитвенника, блаженне, / и утешителя печальных, поборника же, и предстателя, и ходатая благочестия, / от всяких бед спасаемся, преподобне Сергие.

Богородичен: Радуйся, чистая Адамова Дщи, / из Тебе бо произыде Пастырь, облечся истинно во всего мя, человека, / превозносимый за милосердие непостижное отцев Бог благословенный.

Песнь 8

Ирмос: Из пламене преподобным росу источил еси / и праведнаго жертву водою попалил еси: / вся бо

твориши, Христэ, токмо еже хотэти.// Тя превозносим во вся вэки.

Позлащённою ризою, якоже Царицу,/ Сын Твой, просветив зарёю Духа,/ Тебэ одесную Себэ постави, Всечистая,/ Егóже превозносим во вся вэки.

Иже хотэнием еди́нем мир водрузи́вый/ из пречистыя утробы Твоея́ Плоть заёмлет,/ свы́ше тую назда́ти хотя́,/ Егóже превозносим во вся вэки.

Сочетанием Сло́ва ко мне, челове́ку,/ Божественное жилище была́ еси́, Пречистая,/ просия́вши я́ве дэвства свётлостию./ Тем Тя поём во вся вэки.

Златоза́рный Тя свещник предвообрази́,/ приёмшую несказанно Свет непристу́пный,/ знанием Своим озра́ющъ вся́ческая./ Тем Тя поём, Чи́стая, во вся вэки.

Ин

Ирмо́с: Седмери́цею пещь/ халде́йский мучи́тель/ богочести́вым неистовно разжже́,/ си́лою же лу́чшею спасены́ сия́ ви́дев,/ Творцу́ и Изба́вителю вопия́ше:/ о́троцы, благослови́те,/ священни́цы, воспойте,// лю́дие, превозноси́те во вся вэки.

Светоно́сный твой пра́здник, преблаже́нне Серге́е,/ испóлни ра́дости и весели́я духо́внаго, благоуха́ния же и просвеще́ния/ ты иму́щим засту́пника и пра́вило мона́шествующим.

Моли́твою непреста́нною к Бо́гу восте́кл еси́/ и отту́ду Трисо́лнечными сия́нии оза́рился еси́,/ на враги́ бо́рения поста́вив, приводя́ по́стников собо́ры но́вым жити́ем, Христу́ вопию́щим:/ де́ти, благослови́те, священни́цы, воспойте, лю́дие, превозноси́те Егó во вэки.

В поще́ниях крёпкое, в моли́твах нелёностное/ терпе́ние в искуше́ниях, Серге́е, на земли́ показáл еси́, зовы́й:/ де́ти, благослови́те, священни́цы, воспойте, лю́дие, превозноси́те Егó во вэки.

Богоро́дичен: Богороди́тельнице Чи́стая, ду́ши моея́ я́звы грехо́вныя и собла́зны очи́сти,/ ко исто́чником примеша́ющи, я́же из ребр Рождества́ Твоего́, я́же от них поте́кшим струя́м;/ к Тебэ́ бо взыва́ю, и к Тебэ́ прибега́ю, и Тя призыва́ю, Богоблагодáтную.

Ин

Ирмо́с: Чу́да преесте́ственнаго/ росода́тельная изобрази́ пещь о́браз:/ не бо, я́же прия́т, пали́т ю́ныя,/ я́ко ниже́

огнь Божества Девы, / в Нюже вниде утробу. / Тем, воспевающе, воспоем: / да благословит тварь вся Господа // и превозносит во вся веки.

Прилѣжно поюще молим тя: / молися, преподобне, победы даровати на враги воинству нашему, / и Церкви благолепие, и миру мир.

Духа Святаго благодать в тя вселися, / лукавых духов прогонителя содела, / монашествующих же наставника показа, зовущих: / благословите, вся тварь, Господа и превозносите Его во веки.

Трисолнечным светом издалеча сияя, / твоим певцем свет даруй и спасение и миру мир, / в твоей памяти, преподобне отче, зовущим: / да благословит вся тварь Господа и превозносит Его во веки.

Богородичен: Иже ангельскими песнями Прославляемый, / богатное Слово нас ради обнища, / Тя Матерь, доброту Иаковлю, Благословенная, избрав. / Темже, воспевающе, поем: / да благословит тварь вся Господа и превозносит Его во веки.

Песнь 9

Ирмос: Бога / человеком невозможно видети, / на Негоже не смеют чини ангельстии взирати; / Тобою бо, Всечистая, явися человеком / Слово воплощено, / Егоже величающе, // с Небесными вои Тя ублажаем.

Звезда, сияющи зарями Божества от Иакова, / от мрака содержимым возсия Тобою, Всечистая, / Христос Бог, Слово воплощено, / Имже просвещаемы, с Небесными вои Тя ублажаем.

Укрепився силою Твоею и благодатию, / Тебе песнь усердно от сердца возложих; / но сию прими, Дево Чистая, / благодать воздающи Твою многосветлую / от нетленных сокровищ, Богоблаженная.

Поста́в показала́ся еси́ я́ве Божества́, / в немже ризу телесе́ Слово истка́, / богосодела́в, Дево, мой зрак; / в негоже облѣкся, вся спасе́ от смы́сла чиста́ Тя велича́ющия.

Богородичен: Мертвым воскресение ныне даровася Твоим несказанным и неизреченным Рождеством, / Богородице Всечистая: / Жизнь бо, из Тебе Плотию обложився, всем возсия / и смертную дряхлость яве разруши.

Ин

Ирмос: Ужасеся о сем Небо, / и земли удивишася концы, / яко Бог явися человеком плотики / и чрево Твое бысть пространнейшее Небес. / Тем Тя, Богородицу, // Ангелов и человек чиновачалия величают.

Светоявления духовнаго исполнен быв, преподобне Сергие, / светильник, сияя издалеча, явился еси, / словесныя зары нам облистая, / и Пребожественныя Троицы жилище показался еси.

Воистину ты велика учителя, мудре Сергие, Российским странам Христос дарова, / неложным правлением правяща отечество свое / и учения сладчайша меда изливающая, / ихже, яко от окрина, и мы, вернии, почерпаем независтно.

Душетленные страсти победив, / яко пастырь истинный, упасл еси словесное Христово стадо, / еже выну благодатию Духа, яко цветы райския, питая, преподобне.

Богородичен: Псалмы Тя воспеваем, Обрадованная, / и немолчно Ти, еже радуйся, вопием: / Ты бо источила еси всем радование.

Ин

Ирмос: Образ чистаго Рождества Твоего / огнепальная купина показа неопальная, / и ныне на нас напастей свирепеющую угасити, молимся, пещь, / да Тя, Богородице, // непрестанно величаем.

Любовию Христовою, мудре, просвещаемь и добродетельми облистаемь, / не осквернил еси души твоея доброту, / ко отцем преставился еси в добрей старости / и Богу со Ангелы, Сергие, предстоиши.

Очисти наша согрешения, Слове, и просвети очи сердечныя, / еже чисто зрети Твою светлость Божественнаго светолития, / молитвами твоего угодника Сергия, / да Тя вси величаем.

Богородичен: О, страннаго Твоего чудесе! / Ты бо, Дево Богородице, / таинство, прежде веков и родов сокровенное в Бозе, вся создавшем, / рождши Бога Слова несказанно, явилася еси.

Светилен:

Процвел еси, яко финикс, Давидски, отче, / и обитель явился еси Духа Всесвятаго, / Иже славна ты вселенней

показа́,/ о нас непреста́нно Христа́ моли́,/ почита́ющих ве́рою пречестну́ю па́мь твою́,/ преподо́бне Серге́е.

Сла́ва, и ны́не, Богоро́дичен:

Тя пе́снями немол́чными ублажа́ем, Де́во,/ я́ко от Трѳицы Еди́наго родила́ еси́, Богоро́дице,/ и но́сиши на божѳственныхъ объ́ятиихъ/ Пребога́тое Сло́во, Невра́щное и Неизме́нное.

На хвалитехъ стихи́ры на 4, глас 4.

Подобен: Зва́нный свѳше:

Егда́ Божѳственное зва́ние/ найде на тя, пребога́те,/ тогда́ все плотско́е мудрова́ние/ ду́ху повину́л еси́,/ пощѳенія страда́ньми утверди́всѳя,/ и, я́ко зла́то, в горни́ле искуше́но, сия́я, яви́лся еси́./ При́ятелище был еси́ Ду́ха Пресвята́го,/ собра́в мона́шествующихъ мно́жества/ и уче́нии твои́ми, я́ко не́коею небовосхо́дною ле́ствицею,/ на высоту́ добродѳтелей возводя́./ Помина́й нас, Серге́е, чту́щих па́мь твою́, // спасти́ и просвети́ти ду́ши на́ша.

Возсия́ днесъ пресве́тлая/ и всепра́зднственная па́мь твоѳя, пресла́вне Серге́е,/ созыва́ющи мно́гочисленное по́стниковъ сосло́вие/ и преподо́бныхъ ликостоя́ния,/ в не́йже А́нгели сла́вят/ в Трѳице покланя́емаго Бо́га на́шего,/ челове́цы же, притека́ющи/ к свяще́нной ра́це мо́щей твои́х,/ исцеле́ния да́ры приѳмлют;/ и ты венча́вашаго/ Христа́ прославля́ем, // Спа́са душъ на́ших.

Богоносе́ и преблаже́нне/ о́тче Серге́е,/ ты проро́чески/ постѳлю́ слеза́ми измыва́л еси́,/ не дал еси́ сна твои́м очесе́м,/ ни ве́ждом дрема́ния,/ серде́чное жела́ние е́же ко Христу́ явля́я,/ Его́же измла́да возлюбѳив,/ всѳякия добродѳтели вид исправи́л еси́./ Те́мже ты ублажа́ем,/ Христа́ велича́юще, // ты просла́вльшаго.

Сла́ва, глас 2:

Преподо́бне о́тче,/ измла́да воздержáнию прилежа́в, постѳвсѳя,/ орга́н был еси́ Свята́го Ду́ха./ Тем и чуде́с дарова́ния приѳем,/ челове́ки научи́л еси́ преоби́дети маловре́менная./ Ны́не же неизрече́нным све́том све́тле сия́еши,/ просвети́ на́ша мы́сли хода́тайствомъ твои́м, // му́дре Серге́е.

И ныне, Богородичен, глас тойже:

Все упование мое на Тя возлагаю, / Мати Божия, // сохрани мя под кровом Твоим.

Славословие великое. Ектений и отпуст.

НА ЛИТУРГИИ

Блаженны, перваго канона святаго, песнь 3-я, и втораго, песнь 6-я. Прокимен, глас 7: Честна пред Господем // смерть преподобных Его: Стих: Что воздам Господеву о всех, яже воздаде ми? Апостол к Галатам, зачало 213. Аллилуия, глас 6: Блажен муж, бойся Господа, в заповедех Его восхощет зело. Стих: Сильно на земли будет семя его. Евангелие от Луки, зачало 24. Причастен: В память вечную будет праведник, от слуха зла не убоится.


Молитвы зри 5 июля.

Преподобный Сергей Радонежский († 1392) — великий чудотворец, игумен земли Русской, родился 3 мая 1314 года близ Ростова и был в крещении наречен Варфоломеем (в честь апостола от 12-ти). Около 1329 года он вместе со своими родителями, преподобными Кириллом и Марией, переселился в Радонеж. После их кончины избрал пустынное место в 10 верстах от новой родины, на Маковце, и начал там подвизаться, сначала со своим старшим братом Стефаном, а затем один.

Вокруг преподобного собралось несколько братьев, с которыми по благословению святого митрополита Феогноста он построил деревянную церковь во имя Пресвятой Троицы. 7 октября 1337 года он был пострижен в монашество игуменом Митрофаном, подвизавшимся неподалеку, в пределах ярославских. В 1354 году преподобный был посвящен в сан пресвитера в г. Переславле епископом Вольнским Афанасием.

Слава об обители преподобного Сергея стала быстро распространяться не только в России, но и за ее пределами. Константинопольский патриарх Филофей прислал преподобному благословенную грамоту, а также крест, параман и схиму в благословение на новые подвиги.

Преподобный Сергей много трудов положил на основание многих монастырей, ставших значительными



культурными центрами в последующей истории. Много потрудился преподобный, созидая мир в Русской земле. Так, пользуясь большим влиянием на князя Димитрия Донского, он благословил его на брань против полчищ Мамаю и своими молитвами помог ему одержать победу 8 сентября 1380 года на Куликовом поле.

За свою высокую подвижническую жизнь преподобный Сергий удостоился посещения Богоматери с апостолами Петром и Иоанном Богословом — в своей келлии во время молитвы.

25 сентября 1392 года преподобный Сергий преставился к Богу. Созерцая

будущую славу многих своих учеников, он оставил наставление, исполненное духом глубокого благодатного смирения: «Братие, прежде имейте страх Божий, чистоту душевную и любовь нелицемерную», — оставшееся как завет для всех поколений русских верующих людей.

В
ТОЙЖЕ
ДЕНЬ



Преподобная матере наша Евфросинии Александрийския

ВЕЧЕР

На Господи, возвах: стихиры октоиха, 3.

И святыя, 3. Глас 5.

Подобен: Преподобне отче:

Мати преподобная, / Евфросиние досточудная, / сущо веселия возжелевши, / того ходатайствующую шествовала еси стезю: / богатство бо изменила еси ницетою многою, / плотскаго обручника Живущим во веки, / пищу тлеющую воздержанием, / покой болезнями, сущими в страдальчестве, / сущую в мире премирною жизнью, / юже и получила еси с мудрыми девами, / соблюдши свещу твою неугасну / и чертогу сподобившись, яко дева, // яко невеста Христова всехваляная.

Струями слез напоивши твой разум, / угобзила еси пощением добродетельныя плоды / и, лоза якоже краснейшая, / произнесла еси грозды красныя, честная, / ихже божественнаго мста* яве насыще чувства душевная, / наслаждаемся истинно твоим подобием / и веселимся божественным веселием, / пьянство отвращающе, еже от греха, / вопиюще ти, всечестная: / Христа моли всегда / даровати вселенней единомыслие, // мир и велию милость.

Видение странное / и естеству неудобоприятное, / како утайлася еси / Евина старого запинателя лютаго коварства, / среди мужей всельшись совершенным разумом? / Какое посреде огня прошла еси, не опальшишься? / Какое сокрыла еси женскую немощь, / укрепляема

* Мста — молодого вина.

Божественною силою/ нашу немощь Приимшаго/ и Возсиявшаго от Отроковицы Неискусобрачныя?/ Егѡже моли, со Ангелы ликующи,/ даровати вселенней единомыслие, // мир и велию милость.

Слава, глас 2. Студитово:

Чистое чистоты твоея сокровище/ без порока от мужей сохранила еси,/ невеста Христова бывши, Евфросиние всеблаженная;/ телесную бо доброту постническими труды увядивши,/ душу же украсивши доброзачием благодати,/ в мужестве бо женство яве укрывши,/ утайлася еси велиаровых ловлений,/ ангельски проживши,/ но проси мира любовью благохвляющим тя, // яко веселия тезоименитая, богоблаженная.

И ныне: Богородичен или Крестобогородичен.

Подобен: Егда от Древа:

Грозд всезрелый, Чистая,/ Егѡже невозделанно во утробе младоносила еси,/ на Древе яко узрела еси Сего висяща,/ рыдающе, восклицала еси, зывающе:/ Чадо, сладость искапай,/ еюже пьянство всякое страстей отъемлется, Благодетелю,/ Мене ради, Тебе рождшия,/ божественными утешеньми, // яко Благоутробен.

На стиховне Октоиха.

Слава, глас 6:

Приидите, любодевственнии вси/ и чистоты рачителие,/ приидите, монашеская чета и преподобных жен лик,/ вси согласно верою воспойм/ Евфросинию преблаженную:/ радуйся, яже в женстем теле мужески доблествовавши,/ радуйся, целомудрием врага посрамивши/ и Христа возлюбивши,/ радуйся, камению честный, веселия тезоименитая./ Но, о матери преподобная, // молящи не претай о чтущих память твою.

И ныне, Богородичен или Крестобогородичен.

Подобен: Все отложше:

Агница Своего Агница нескверная древле/ и непорочная Владычица/ на Крест воздвизаема яко виде,/ Матерски восклицаше/ и, удивляющися, вопияше:/ что видение сие, Чадо сладкое,/ новое и преславное?/ Како людие неблагоприятнии/ судищу Пилатову предають Тя/

и осуждают смёртию Животá всех?// Но пою Твое неизречённое, Сло́ве, схожде́ние.

Тропа́рь, глас 8:

В тебе, ма́ти, извѣстно спасе́ся, е́же по образу:/ при-
и́мши бо крест, послѣдовала еси́ Христу́/ и, де́ючи,
учи́ла еси́ презира́ти у́бо плоть, прехо́дит бо,/ приле-
жа́ти же о души́, ве́щи безсме́ртней.// Те́мже и со А́нгелы
сра́дуется, преподо́бная Евфроси́ние, дух твой.

НА УТРЕНИ

Оба канона Окто́иха.

И святы́я на 4, егóже краегране́сие:

Пе́сньми тя пою́, подо́бную весе́лия. **Иосиф. Глас 5.**

Песнь 1

Ирмо́с: *Коня́ и вса́дника в мо́ре Чермное́/ сокруша́яй
бра́ни мы́шцею вы́сокою/ Христо́с истрясе́,/ Изра́иля
же спасе́,// побѣдную́ песнь пою́ща.*

Пе́сньми богокрасны́ми пою́щаго днесь/ святу́ю твою́
па́мять и и́стинно достохва́льную,/ све́том мя озари́
моли́тв твои́х, всечестна́я,/ весе́лия божѣственнаго
тезоименита́я.

Еди́ну Божѣственную добро́ту Христо́ву возлюбѣв-
ши/ и Того́ распальши́ся неvěщественны́ми красота́ми,/
добро́тою телѣсною возгнуша́лася еси́, сла́вная,/ виде́-
нии божѣственны́ми упражня́ющися.

Неве́ста, укра́шенная добродѣтелей красота́ми,/ об-
ручи́лася еси́ и́стинно красному́ добро́тою Христу́,/
оста́вивши привре́меннаго, Евфроси́ние, обру́чника
и жити́я всю красоту́.

Богоро́дичен: *Все Пожелáние, и Сла́дость, и Жизньь/
из Тебе́ Возсия́вый премно́жеством бла́гости,/ Де́ва
Всенепоро́чная,/ Егóже моли́ спасти́ непреста́нно Тя
блажа́ция.*

Песнь 3

Ирмо́с: *Водрузи́вый на ничесом́же зѣмлю повелѣ́нием
Твои́м/ и повѣсивый неодо́ержимо́ тяготѣ́ющую,/ на
недви́жимем, Христѣ́, ка́мени за́поведей Твои́х,/ Цер-
ковь Твою́ утверди́,// Еди́не Бла́же и Человеколю́бче.*

Великия претерпéвши пóдвиги, вра́жия низложи́ла еси́ ухищре́ния,/ победи́ла еси́ де́монския прило́ги,/ А́нгелом уподо́билася еси́, безсме́ртию поучи́вшисья, ма́ти,/ в ме́ртвенном твоём телеси́.

Веселит мона́шествующих се́рдца жити́е твоё,/ утвержде́ние су́ще и наказа́ние ко спаси́тельным за́поведем и к сте́зям нетле́ния,/ к любви́ кра́йнейшему преде́лу, Евфроси́ние, Созда́вшаго.

Просвещает ве́рных божество́нная собра́ния/ све́тлая тво́я па́мять и досто́славная, услажда́ет преподо́бных ли́ки,/ А́нгелы веселит,/ с ни́миже водворя́ешься,/ я́ко равноа́нгельному жити́ю, Евфроси́ние, ревнова́вши.

Богоро́дичен: Страсте́й мя лю́тое обурева́ет волне́ние,/ лука́вых духо́в глубина́ одержи́т мя,/ грехо́вный ви́хорь коле́блет моё се́рдце:/ Богороди́тельнице, Ты мя утверди́, чи́сте Ты восхваля́юща.

Седáлен, глас 5.

Подобен: Сбезнача́льное Сло́во:

Же́нскую сла́бость укрепивши Небе́сными наде́ждами,/ посреде́ всели́лася еси́, несомне́нною мы́слию, муже́й, богодохнове́нная,/ Е́вина льсти́теля покоривши тво́им гове́нием, о Евфроси́ние,/ во бде́ниях и поуче́ниях;/ тем ве́рою тя блажи́м.

Сла́ва, и ны́не, Богоро́дичен:

Тя пристáнище, и стéну, и прибе́жище, и наде́жду, и покрóв,/ и Предста́тельницу те́плу обрётше, ве́рнии, к Тебе́ прибега́ем/ и вопие́м приле́жно, и зыва́ем ве́рно:/ помилуй, Богоро́дице, на Тя упова́ющия/ и от прегреше́ний изба́ви.

Крестобогоро́дичен:

На Кресте́ Тя зря́щи, Хри́сте, Ма́ти Тво́я,/ во́льно среди́ разбо́йников пове́шена,/ терза́ющи Ма́терски утробу, глаго́лаше:/ безгреше́не Сы́не,/ ка́ко непра́ведно, я́ко злоде́й, на Кресте́ повеси́лся еси́,/ род челове́чъ оживи́ти хотя́, я́ко Преблагый?

Песнь 4

Ирмо́с: Божество́нное Твоё разуме́в исто́щание/ прозорли́во, Авваку́м, Хри́сте,/ со трéпетом вопия́ше

*Тебѣ:/ во спасѣние людѣй Твоих, // спасти помазан-
ныя Твоя пришѣл еси.*

Отцѹ ты Небѣсному внѣмлющую, душ Невестовѣдцу,/ **отча** любовь не возбранѣ, ниже привременнаго жениха,/ **шествовати** путь спасительный.

Яко финикс, богомудренно процвѣла еси правды сладость/ и, яко кедр, при водахъ воздержанія, богомудрая,/ **плоды** добродѣтельныя умножила еси.

Огнемъ воздержанія испепелила еси хвѣстныя сласти/ и, разгорѣвшисья углемъ Господни любви,/ **чудес** лучи возсияла еси.

Растрезанъ видится и лежашъ предъ красными твоими ногами/ **прежде** Евинъ ратникъ,/ из Дѣвы Рѣдшагося силою, Евфросиние, и благодатию.

Богородичен: Ущѣдри, Щѣдрая сущи, преокаянную мою душу,/ **Богородительнице** Всенепорѣчная,/ **от** страстей грѣха люте омрачившуюся и стѣнующу.

Песнь 5

Ирмос: *Одейся Свѣтомъ, яко ризою,/ к Тебѣ утреннюю и Тебѣ зову:/ душу мою просвети омраченную, Христѣ, // яко Единъ Благоутробен.*

Зарю божественныхъ деяній, яко камень смарагдъ, чистая,/ **видена** была еси посреде мужей,/ мужская боренія показующи и веселящи Господа.

Точащи слѣзы, яко ароматы, облаговѣнилася еси,/ **возвеличилась** еси, яко миро многоценное,/ и Бѣгу принеслася еси дѣва нерастлѣнна.

Все твоѣ желаніе Бѣгу принесла еси,/ **Того** желаяущи, Того ищущи,/ **Того** послѣдствующи законоположенію, дѣво, спасительному.

Богородичен: Млада родила еси, яко Младенца, Чистая,/ **прежде** векъ из Отца Безначальна безлѣтно Возсиявшаго,/ **Егоже** о мирѣ моли, Богоневѣсто.

Песнь 6

Ирмос: *Неистовствующеся бурю душелѣнною,/ Владыко Христѣ,/ страстей море укроти/ и от тли возведи мя, // яко Благоутробен.*

Яко чиста и непорѣчна, яко красна, яко предобра,/ **Жениху** Слову ты уневестилася еси,/ **во** вѣки соблюдающему ты нетлѣнну.

Стенáньми и слезáми взыскующи Содетеля,/ Онаго видения сподобилася еси,/ яко избранная со избранными, досточудная.

Воздержания образ,/ целомудрия одушевленное подобие верным явилася еси,/ благохвляющим твою священную, о Евфросиние, память.

Богородичен: Пáче умá, Безлётнаго,/ пáче слова, Создателя, Всечыстая, родилá еси,/ избавляющаго всякия тли Богородицу поющия Тя.

Кондак, глас 2.

Подобен: Вѣшних ищá:

Вѣшнюю жизнь возжелѣвши получитьи,/ дóльную сладость тщáтельно оставила еси/ и самую себе смесила еси посреде мужей, краснейшая,/ Христа бо ради, Жениха твоего, // о обручнице привременном небрегла еси.

Икос:

В веселии и радости дúши возвеселивше,/ востанем тщáтельно услышати слово преславное:/ преходит бо ум всяк повѣдание сие и удивляет,/ яко женá, посреде мужей пребывающаи,/ победи велиара, и огонь попра сластей, и не опалися отнюд:/ Христа бо вожделѣвши, нескверная,/ обручника привременнаго небрегла есть.

Песнь 7

Ирмос: Превозносимый отецъ Господь/ пламень угаси, óтроки ороси,/ согласно поющия:// Бóже, благословен еси.

Свет тебе возсия, Того сопрузе, Евфросиние славная,/ правый бо имела еси разум, песнопощи:/ Бóже, благословен еси.

Жезл, укрепляющ тя, Крест имущи,/ демонская зияния прешла еси невредна, преподобная, песнопощи:/ Бóже, благословен еси.

Дом сердце твое Святаго Дúха,/ преподобная, совершила еси,/ ты укрепльшаго и показавшаго духов лукавых сильнейшу.

Богородичен: Тѣлом обложеннаго Бóга Безтелеснаго, Всенепорочная, родилá еси,/ нас избавляющаго, страхом песнопощия:/ Бóже, благословен еси.

Песнь 8

Ирмос: Тебѣ, Вседѣтелю, / в пещи́ ѡтроцы, всемірны́й лик сплѣтше, пояху: / дела́ всякая, Гѡспода пойте // и превозносите во вся вѣки.

Тѣну страстей оттрясла еси́, отрокови́це, / Ангелов невещественному жити́ю поревнова́вши, / с ними́же и воспевáеши: / Гѡспода пойте и превозносите во вся вѣки.

Даёт тебе́ жизнь жи́зни Хранитель, / Того́ бо стопáм послѣдовала еси́, / Того́ доброты вожделѣвши Божѣственныя, / с Ними́же и весели́шися во вся вѣки.

Вознесла́ся еси́ ко обителем присножи́тельным истинно, / желáние получивши, егѡже возлюби́ла еси́, де́во, / Дре́ва жи́зни наслажда́ющихся / и превознося́щи Христа́ во вѣки.

Богородичен: Вся избрана́, украшена́ вся, / Бог Ю́же возлюбѣ, Ю́же избра́, / явилася еси́, Де́во Препросла́вленная, присно: / тем Тя поём всегда́, я́ко Богородицу.

Песнь 9

Ирмос: Иса́ие, лику́й, Де́ва имѣ во чре́ве / и роди́ Сы́на Емману́ила, / Бѡга же и Челове́ка, / Востѡк ѡ́мя Емú, // Егѡже велича́юще, Де́ву ублажа́ем.

Священно́е торжество́ мона́шествующих собѡр хва́лит, / пáмять твою́ соверша́я богосвѣтлую, лик радуется мона́хинь, / явѣся бо чѣстая всех свѣтлость, Евфросѣ́ние досточудная.

Я́ко чѣстно возложе́ние Небѣснаго была́ еси́ хра́ма, / я́ко крин, во двѡрех процвѣла́ еси́ Бѡжиих, / я́ко шѣпок сладковѡнный, принесла́ся еси́ Всецарю́, / я́ко честное́ мѣро, Евфросѣ́ние всеблаже́нная.

Тебе́ самую́ просветѣла еси́ добродѣтелей твоѣх украше́нием свѣтлым, / и привелася еси́ к мѣсленному черто́гу, чѣстая, / и ны́не недомѣсленную смотре́еши доброту́ Христову́, / и обожѣние приѣмлеши соверше́нейшее.

Святáя твоя́ пáмять освяща́ет днесь вѣрныя, / точа́щи просвещѣ́ние и святѣ́нню, / в нейже́ ты мо́лим, я́ко избра́нную невесту́ Христову́: / спасѣ́и моли́твами твоѣ́ми, Евфросѣ́ние, нас всегда́.

Богородичен: Свѣтом лица́ Твоегѡ́ во тѣме лежа́щаго страстей оза́ри, / Свѣта двѣре мѣсленная, / да не но́щь

посты́гнет мя сме́ртная, Влады́чице Чы́стая,/ спасе́ния моего́ неча́яние отсека́ющи.

Свети́лен.

Подобен: Ду́хом во святы́лици:

Кня́зя утай́вшись студа́, и сегó в любоу́дром о́бразе показáла еси́ безу́мна,/ де́ва сущи́ душе́ю и тѣлом, бы́ла еси́ муж ра́зумом и ве́рою,/ Евфроси́ние преподо́бная,/ де́вственников добрóта и мона́хинь красота́.

Богорóдичен:

День мне возсия́й у́мнаго весе́лия,/ Ты бо еси́, Чы́стая, свет и жизнь сущим во тьме:/ хотéнию бо мощна́ еси́ и е́же творити́ имаши,/ я́ко сущи́ всех Влады́чица,/ изба́ви вся от бед, и скорбей́, и собла́зн чужда́го.

Преподобная Евфросиния (V в.) родилась в городе Александрии от знатных и богатых родителей — Евфросинии и Пафнутия — и была их единственным ребенком. Мать ее умерла рано, и воспитывал ее отец, глубоко верующий христианин. Пафнутий часто посещал монастырь, игумен которого был его духовным наставником, и брал с собой свою дочь, святую Евфросинию.

Когда Евфросинии исполнилось 18 лет, отец намеревался выдать ее замуж. Он направился в монастырь к своему наставнику, чтобы получить благословение на предстоящее событие в жизни дочери. Игумен беседовал с девицей и дал ей свое благословение, однако святая стремилась к иноческой жизни и, приняв тайно пострижение от проходившего в тех местах инока, покинула отчий дом.

Опасаясь, что в девичьем монастыре пребывание ее будет обнаружено, она, назвав себя евнухом Измарагдом, была принята в тот самый мужской монастырь, который посещал ее отец. Здесь она в уединенной келлии 38 лет проходила иноческие подвиги и достигла высокого духовного совершенства. Отец ее тяжело горевал о потере любимой дочери и не раз по совету настоятеля беседовал с иноком Измарагдом, получая от него духовное утешение.

Перед смертью преподобная Евфросиния открыла отцу свою тайну, прося, чтобы никто, кроме него, не готовил к погребению ее тело. После смерти дочери Пафнутий отдал все свое имущество нищим и монастырю и принял монашество. 10 лет он подвизался в келлии своей дочери и мирно там же скончался.



В
ТОЙЖЕ
ДЕНЬ

Преподо́бная ма́тере на́шей Евфроси́нии Су́здальския Службу зри 18 сентября́.

Житие и иконописную прорись преподобной Евфросинии Суздаль-

ской смотри 18 сентября (с. 505).



**Пренесѣние мощей святителя Германа,
архиепископа Казанскаго**

Службу зри 6 ноября.

Тропарь, глас 4:

От юности иго Христова усердно восприим, / бденными подвиги поста и молитвы прославился еси. / Отонудуже, призывающе тя Богу на служение Церкви / в новопросвещенном царстве Казанском, / вкупе со святителем Гურიем возван был еси, / идеже яко первоначальник созданныя тобою во граде Свяжске обители / и достойный первосвятителю преемник явился еси. / Духом предстоя Престолу Владычню, / молися, святителю Германе, со святителем Гურიем / Православней пастве во благочестии преспевати, // тьме иновѣрия светом веры разгнаться.

Ин тропарь, глас 4:

Яко великим пастырем единокравна / и учителем вселенная единомысленна, / Церкви Божия служителя усердна / и строителя таин Христовых благоговейна, / стекшися, благовернии людие, Свяжския обители богомудраго основателя / и Казанския новопросвещенная паствы святителя Германа / песнями и пении восхвалим, глаголюще: / не престаи присещати молитвами твоими всю паству твою, // в вере и благочестии блюди ю невредимо.

Кондак, глас 4:

Доблестями преподобия и правды / врученное тебе словесное стадо озаряя / и на злчных слова Христова пажитех питаая, / на правый путь заповедей Господних силою духа твоего наставляя еси ю. / Темже и ныне, осеняеми цельбоносными чудотворениями твоими, / в святую память, зовем тебе: / не престаи, святителю, представлять пред Пастыреначальником о стаде твоём, / яко паствы твоея утверждение // и сущим по тебе святителем удобрение.